庫全書

子部

定四庫

唐新語卷

侍讀臣孫球覆勘 校官侍講學士臣平 恕

校 總 對 校 謄 官 官 礟 围力 編 監 生 教 修 臣 臣 臣 石 王 鴻 燕 狳

緒

翥

琨

大王司臣 八十 欽定四庫全書 唐新語 提要 詳熟是也所記起武德之初迄大歷之末凡 文志載此書三卷注曰元和中江都主簿此 分三十門皆取較文舊事有裡勘戒者前有 本結衙乃題登仕郎守江州潯陽縣主簿未 臣等謹案唐新語十三卷唐劉爾撰唐書藝 唐新語 子部十二 小説家類 雜事之屬

蕪猥瑣未免自機其書有 中史家之體例今 鑒戒者以為漢語今之所記 無前修云云 志以下諸家著録並同明馮夢禎命安期等 說殊為脆與商維濟刻入拜海并於庸自序 因與李垕續世說偽本合刻遂改題曰唐 退置小説家類庶協其實是書本名新語唐 自序後有總論一篇稱昔首與紀漢事可為 故唐志列之雜史類中然其中語謔一門繁

大己つる 舊馬乾隆四十六年九月恭校上 末總論一篇及政能第八之標題亦較馬氏 姚氏之本更為疎好合合諸本參校定為書 三十篇總論一篇而復名為唐新語以選其 中增入世説二字益偽妄矣稈海又佚其卷 唐新語 總 總養官紀的陸錫熊 孫士毅 校 官 臣 陸 費 墀

	 	and the latest of the	THE PERSON NAMED IN	 	er and		
32				The second secon			年与世屋人言
							提要
		DESTRUCTION OF THE PROPERTY OF				lik 2-112	

於代美理唐御萬載幾二百聲明文物至化玄風卓爾 作表去背氏之録雖為小學抑亦可觀通来記注不多 班氏遂業前書編集既多省覽為始則擬虞卿陸賈之 殊宣文刑落其繁無丘明据拾其疑闕馬選割變古體 作木火通與雖敢干戈質文或異而九丘八索祖述莫 へいこう いれ こいにう 稱左史記言尚書是也右史記事春秋是也泊唐虞氏 自庖樣畫卦文字車興立記注之司以存警誡之法傳 唐新語原序 Ī

於百王輝映於前古肅不揆庸淺輕為纂述備書微城 金人でたノー 十三卷題云大唐新語即以宣之開卷豈敢傳諸奇人 这于大歷事關政教言涉文詞道可師模志將存古勒成 恐貽床屋之尤全採風話懼招流俗之說今起自國初 時元和丁亥歲有事于園丘之月序登任郎守江州浔 陽縣主簿劉肅撰

大百号·上前 **建** 唐新語 人宗引為秦府兵曹俄改陝 除人不足惜杜如晦聰 情曰建平文雅休有烈 潘無用之必欲經營四 秦府掾封建平縣男補 唐 劉肅 撰

金にてい 能籌之及如晦至則用玄齡之策二人相須以斷大 在寬平不求備以取人不以已長格物如晦玄齡引 為朕求賢哉自是臺閣規模皆二人所定其法令意 哲此乃宰相之弘益比聞聽受詞訴日不暇給安能 僕射太宗謂之曰公為僕射當須大開耳目求訪賢 光懷忠履義身立名揚貞觀初為右僕射玄齡為左 事近今言良相者稱房杜馬及如晦薨太宗謂虞世 進之如不及也太宗每與玄龄圖事則曰非如晦莫 たとうも CALID TO LALLE 魏徵常陳古今理體言太平可致太宗納其言封德舜 皆欲理而不能豈能理而不欲魏徵書生若信其虚 難之曰三代已後人漸澆訛故秦任法律漢雜霸道 使置之靈座及賜玄齡黃銀帶因謂之曰如晦與公 吾意為製碑也後太宗嘗新瓜美愴然悼之輟其半 同心輔朕今日所賜唯獨見公汝然流涕以黄銀帶 辟惡為鬼神所畏命取金帶使玄齡送之于其家也 南曰吾與如晦君臣義重不幸物化實痛于懷鄉體 喜新語

金にんにけんとこうに 徵聽太宗御製碑文并御書後為人所讒動令路之 素至今應為思點寧可得而教化耶德舜無以難之 無道武王伐之而俱致太平若言人漸澆訛不返撲 德顓頊征之既尅之後不失其理禁為亂湯放之紂 道則帝行王道則王在其所化而已考之載籍可得 論必亂國家徵話之曰五帝三王不易人而理行帝 及征遼不如意深自悔恨乃嘆曰魏徵若在不使我 而知昔黃帝與当尤戰既勝之後便致太平九夷亂

欠三日年全書 太宗嘗臨軒謂侍臣曰朕所不能恣情以樂當年而屬 規模宏遠然文武之列未當無將相何用臨朝對象 宴舜禹殷周用稷契伊吕四海义安此事朕並無之 及正拯生人於塗炭何禹湯所能擬陛下聖德含光 給事中張行成諫曰有隋失道天下沸騰陛下撥亂 相事豈不是奪公等名昔漢高得蕭曹韓彭天下寧 有此舉也既渡水馳驛以少年祭之復立碑馬 心苦節甲宫非食者正為養生耳我為人主兼行粉 唐新語

太子承乾既廢魏王泰因入侍太宗面許立為太子乃 をラモノ 謂侍臣曰青雀入見自投我懷中云臣今日始得與 弗於天下莫與汝争功臣備員近極非敢知獻替事 陛下為子更生之日臣有一孽子百年之後當為陛 **極陳狂直伏待超臨太宗深納之俄遷侍中** 與臣下爭功臣聞天何言哉而四時行馬义曰汝唯 與其較量将以天下已定不藉其力復以萬東至尊 下殺之傳國晉王父子之道固當天性我見其意其

大王司事人山前 一 無學因自找于床無忌争避持上抽佩刀無忌等驚 李動褚遂良謂之曰我有三子一弟所為如此我心 内翌日御兩儀殿群臣盡出詔留長孫無忌房玄齡 王始得安全耳太宗涕四交下曰我不能也因起入 令錯誤安有陛下萬歲之後魏王持國執權為天子 魏王爱之瑜嫡故至於此令若立魏王須先措置晉 而肯殺其爱子傅國晉王者乎陛下頃立承乾後龍 於之青雀泰小字也褚遂良進曰失言伏願審思無 唐新語

高宗朝晉州地震雄雄有聲經旬不止高宗以問張行 豈使徒然哉夫地陰也宜安静而乃屢動自古禍生 謂晉王曰汝勇許汝也宜拜謝之晉王因下拜移御 官被蒙起宗親者非一朝一夕或恐諸王公主謁見 成行成對日陛下本封於晉令晉州地震不有徵應 太極殿名百寮立晉王為皇太子群臣皆稱萬歲 懼遂良於手争取佩刀以授晉王因請所欲立太宗 日欲立晉王無忌等曰謹奉韶異議者請斬之太宗 卷一

金にひたと言

則天朝黙啜陷趙定等州詔天官侍郎吉頊為相州刺 いたこうでしたいかの 諸武患之乃發項弟兄贓狀貶為安固尉方辭得白 賊既退項徵還以狀聞則天曰人心如是耶因謂項 史發諸州兵以討之畧無應募者中宗時在春宫則 思愿無脩德以杜未萌高宗深納之 頻煩承問何隣後恐女謁用事臣下陰謀陛下宜深 天制皇太子為元帥親征之吏人應募者日以數千 卿可於衆中說之項於朝堂昌言朝士聞者喜說 善新語 五

金なでたとう 建陛下何以和之臣知雨不安矣則天曰朕深知之 戚各有區分豈不兩安全耶今陛下貴賤是非於其 無項曰和之為泥競乎則天曰無項曰分泥為佛為 紙事至是項與張昌宗同供奉控鶴府昌宗以貴麗 天尊有競乎則天日有項曰臣亦為有竊以皇族外 坐籌之則天曰可項曰水上各一盆有競乎則天曰 見涕淚曰臣辭關廷無復再謁請言事臣疾亟矣請 則居必競之地今皇太子萬福而三思等久已封

要言之幾一歲則天意乃易既知項之謀乃召項問 有所注意乃迎中宗其與復唐室頭有力馬廢宗登 項對日廬陵相王皆陛下子高宗初顧託於陛下當 封除此外非項所謀昌宗涕泣請聞之項曰天下思 懼不全計於項項曰公兄弟承恩澤深矣非有大功 必無全理唯一策若能行之豈唯全家當享茅土之 不從容請復相王盧陵以繼生人之望昌宗乃乗間 唐德久矣主上春秋高武氏諸王殊非所屬意公何

てこう int 人: 土で

唐新語

놋

金ケロんと言 則 乗御寶位其還安乎且陛下為天子陛下之姑受何 克創祈天之業水懷忠烈寧忘厥熟可贈御史大夫 極下韶曰曩時王命中地人謀未輯首陳及正之議 重權何也則天日我子姪委以心腹耳昭德曰若以 福慶而委重權於好手大事去矣則天矍然曰我未 日父子母子尚有逼奪何諸姑所能容使其有便可 姑姪之親何如父子何如母子則天曰不如也的德 天以武承嗣為左相李昭德奏曰不知陛下委承嗣

_ U a Jo not I. Lin 長安末張易之等将為亂張東之陰謀之遂引桓彦範 惋二十三年于兹 矣今天啓忠勇北門将軍南衙執 政尅期以今日詠光賢復李氏社稷伏願殿下暫至 軌先帝以神器之重付殿下主之無罪幽廢人神情 皇太子於東宫啓曰張易之兄弟及道亂常將圖不 敬暉李湛等為將委以禁兵神龍元年正月二十三 Đ 思也即日罷承嗣政事 **暉等率兵將至玄武門王同皎李湛等先遣往迎** 吾介吾

金字匹尼子里 女武門以副衆望太子曰光監悸亂誠合誅夷如聖 長久居東宮將相大臣思太宗高宗之德誅免賢立 得更歸往者天皇棄群臣以爱子託陛下今太子年 乃是汝耶小兒既誅可還東宫桓彦範進曰太子安 太子兵不血刃而靖内難則天意人事歸于李氏久 而入誅易之等於迎仙院則天聞變乃起見太子曰 乃就路又恐太子有悔色遂扶上馬至玄武門斬關 不康何應有驚動請為後圖同的調諭外之太子

景雲二年二月睿宗謂侍臣曰有術士上言五日內有 CALL DILL Y 急兵入宫卿等為朕備之左右失色莫敢對張該進 曰此有讒人設計擬搖動東宫耳陛下若使太子監 對湛義府之子也 汝是誅易之兄弟人耶我養汝華翻見今日湛不敢 子萬代不絕天下幸甚矣則天乃卧不語見李湛曰 兆神祇之心臣等謹奉天意不敢不請陛下傅位爱 矣今聖躬不康神器無主陛下宜復子明辟以順億 上,折吾

金完四是在書 郭元根進曰如說所言曆宗大說即日部皇太子監 就東都出寧王巴下為刺史以息人心睿宗曰朕更 侯執政以祖之東皆恐懼宋璟昌言曰太子有大功 無兄弟唯有太平一妹朝夕欲得相見卿勿言餘並 於天下真社稷主安敢妄有異議遂與姚崇奏公主 國時太平公主將有奪宗之計於光範門內乗步輦 國則君臣分定自然窺観路絕災難不生姚崇宋璟 依卿所奏公主聞之大怒玄宗懼乃奏崇璟離問骨

蘇與神龍中遷給事中并修文館學士轉中書舍人時 たこの東とう 州刺史 蘇家父子前後同時為宰相僕射長厚誠為國器獻可 多所裁斷題皆順從其美璟甚悅之當謂人曰吾與 **肉請加罪悉停寧王巴下外授崇貶申州刺史璟楚** 所不及也後為中書侍即與宋璟同知政事璟剛正 制語皆出其手中書令李崎嘆曰舍人思如泉湧崎 父瓌為宰相父子同掌樞家時人紫之属機事填委 唐新語

姚崇以拒太平公主出為申州刺史玄宗深德之太平 替否罄盡臣即題過其父也後罷政事拜禮部尚書 引璟為中丞再引之入相崇善應變故能成天下之 而薨及葵日玄宗遊咸宜宫将舉獵聞題丧出慘然 于道叶心異赞以致刑措馬 務璟善守文故能持天下之政二人執性不同同歸 日蘇題今日葵吾寧忍好遊乎遂中路還官初姚崇 既誅徵之為同州刺史素與張說不叶說諷趙彦的

宗心益開聽之雪雪忘倦軍國之務成訪於崇崇罷 事備陳古今理亂之本上之可行者必委曲言之支 速在手動心稱旨立宗歡甚樂則割鮮開則咨以政 十居澤中以呼鷹逐免為樂猶不知書張景謂臣曰 君當位極人臣無自棄也通来折節讀書以至將相 宗謂曰卿頗知獵乎崇對曰此臣少所習也臣年三 臣少為獵師老而猶能玄宗大悦與之皆馬臂應運 彈之玄宗不納俄校獵于渭濱客召崇會于行所玄

大四日東三百

唐新語

石がたして 張說獨排太平之黨請太子監國平定禍亂遂為宗臣 吏無任功臣以政玄宗悉從之而天下大理 雅上舉嗣禮謁五陵開集賢置學士功業恢博無以 前後三東大政掌文學之任凡三十年為文思精老 加矣尚然諸于君臣朋友之際大義甚篇及费玄宗 化得僧一行替明陰陽歷律以敬授人時封太山祠 冗職修舊章內外有叙又請無赦有無度僧無數遷 而益壯尤工大手筆善用已長引文儒之士以佐王

CAL Diet Zichio 華含春容之聲和而必應為泉源之智啟而斯沃授 葉故尚書左丞相燕國公說星象降靈雲龍合契元 命與國則天衢以通濟同以和則朝政惟允司釣總 義探繁表之微英詞鼓天下之動昔傳風諷綢繆歲 範台衝軒馬垂輔藻於當年微策龍章播芳姓於後 和體其冲粹妙有釋其至贖挹而莫測仰之彌高釋 樂情其道者人師式瞻而百度允釐既往而千載貼 為之罷元會制曰弘濟艱難為其功者時傑經緯禮 Į 唐新語

金文区屋人了 開元中陸堅為中書舍人以麗正學士或非其人而所 六官之紀端揆為萬邦之式方弘風緯俗返本於上 儒者榮之 之儀遵往碰之禮可贈太師賜物五百段禮有加等 丧斯文宣室餘談治若在耳王殿遺草宛然留迹言 念忠賢良深震悼是用當宁撫几臨樂椒懸罷稱觞 古之初而邁德振仁不臻於中壽之福吁嗟不怒既 司供擬過為豐瞻謂朝列曰此亦何益國家空致如 卷一

開元二十三年加祭王巴下官勅宰臣入集賢院分寫 Ka To vol Achie 告身以賜之侍中裴耀卿因入書庫觀書既而謂人 帝王功臣則有奢縱之失或與造池臺或就點聲色 坠之恩眄從此而減 者細所益者大陸子之言為未達也玄宗後聞其言 此費損將議罷之張說聞之謂諸宰相曰說聞自古 麗正即是聖主禮樂之司永代規模不易之道所數 聖上崇儒重道親自講論刊校圖書詳延學者今之 善新語

張九齡開元中為中書令范陽節度使張守珪奏裡將 金られたとき 豈得扶輪捧載者哉 有仁壽文林雖載在前書而事皆瑣細方之今日則 安禄山頻失利送就戮於京師九龄批日穰直出軍 蘭臺東觀宋有總明陳有德教周則獸門麟趾北齊 雲集觀象設教盡在是矣前漢有金馬石渠後漢有 必誅莊買孫武行令亦斬官嬪守珪軍令若行禄山 曰聖上好文書籍之盛事自古未有朝宰充使學徒 卷一

" Carry Just Starting " 際寅亮成功讀言定於社稷先覺合於着蔡永懷賢 祭名沒則稱其盛德飾終未允於人望加贈實存於 歸本道至德初玄宗在成都思九齡之先覺詔曰 卿勿以王夷甫識石勒之意誤害忠良更加官爵放 國章故中書令張九齡維岳降神濟川作相開元之 子野心面有逆相臣請因罪戮之其絕後患玄宗曰 正大厦者柱石之力昌帝業者輔相之臣生則保其 不宜免死及到中書九齡與語久之因奏曰禄山狼 善所語

金少に足人 太宗射猛獸於苑內有群豕突出林中太宗引弓射之 將擊賊耶何懼之甚儉對日漢祖以馬上得之不以 馬搏之太宗叛劍斷豕顧而笑曰天策長史不見上 馬上理之陛下以神武定四方豈復逞雄心於 四發噎四不有一雄不直来衝馬吏部尚書唐儉下 重三台之位可贈司徒仍令遣使就韶州致祭者 弼可謂大臣竹帛猶存樵蘇心禁爰從八命之秩更 規 趣第二

太宗當罷朝自言殺却此田舍漢文德皇后問誰觸忤 太宗有人言尚書令史多受略者乃家遣左右以物遺 TO THE CALL TO 陛下太宗曰魏徵每廷辱我使我常不得自由皇后 禮之義乃免 之司門令史果受約一匹太宗將殺之裴矩諫曰陸 退朝服立於廷太宗驚曰何為若是對日妾聞主聖 下以物試之遠行極法所謂陷人以罪恐非道德齊 太宗善之因命罷獵 占新語 + 59

金万里屋人 張玄素貞觀初太宗聞其名名見訪以理道女素曰臣 中者何况萬務乎以日繼日乃至累年垂謬既多不 觀自古以来未有如隋室丧亂之甚豈非其君自專 亡何待陛下若近鑒危七日慎一日堯舜之道何以 且萬東之主欲使自專庶務日斷十事而有五條不 其法日亂向使君虚受於上臣弼違於下豈至於此 臣忠今陛下聖明故魏徵得盡直言妾備後官馬敢 不賀於是太宗意乃釋

CALL DIST TO LET 太宗幸九成官還京有官人想津川縣官舍俄而李靖 見官吏亦不可不謁也至於官人供養之外不合參 后殿隸論其委任事理不同又靖等出外官吏訪關 驗清川官屬魏徵諫曰靖等陛下心膂大臣官人皇 廷法式朝觀陛下問人間疾苦靖等自當與官吏相! 日威福豈由靖等何為禮靖等而輕我官人即令按! 加之太宗深納之 王珪至縣官移官人於别所而舍靖珪太宗聞之怒 10 万 15

金庆匹尼全書 言是遂捨不問 承若以此如罪恐不益德音駭天下耳目太宗曰公

谷那律貞觀中為諫議大夫褚遂良呼為九經庫永徽

中當從雅途中遇雨高宗問油衣若為得不漏 那

日能以五為之不漏也意不為畋獵高宗深賞馬賜

魏知古性方直景雲本為侍中玄宗初即位獵于渭川 時知古從駕因獻詩以諷曰當聞夏太康五弟訓禽 那律約帛二百疋

後無知吏部尚書典選事深為稱職所薦用人遂成 傷卒甲今為史虞箴遂孔彰手部褒美賜物五十段 常得失鑒齊楚仁恩念禹湯岂熙諒在有亭毒匪多 至大官 倉此欲誠難縱茲遊不可常子雲陳羽獵僖伯諫漁 楊奔走未及去翱飛豈暇翔非熊從渭水瑞翟想陳 荒我后来冬行三驅盛禮張順時鷹隼擊講事武功 一寸町再 共

卷	唐新語卷一			ANALYS OF THE STATE OF THE STAT		金定匹尼全書
						卷一

武德初萬年縣法曹孫伏伽上表以三事諫其一日陛 大三日華 日本司 一 欽定四庫全書 琵琶長安縣丞張安道獻弓箭頻蒙賞賽但普天之 唐新語卷二 年之事務何忽今日行之又聞相國恭軍盧牟子獻 十日龍飛二十一日獻錦總者此乃前朝之與風少 下贵為天子富有天下凡曰鬼狩須順四時陛下二 極諫第三 唐新語 唐 劉肅 撰

高 金ケレとと 聲此謂淫風不可不改其三曰太子諸王左右羣察 史 諫日臣按周禮均工樂胥不得參士伍雖復才如子 祖 水固維城矣高祖覽之悅賜帛百疋遂拜為侍書御 不可不擇願陛下納選賢才以為僚友則克崇磐石 不得陛下所少豈此物乎其二曰百戲散樂本非正 下莫非王土率土之濱莫非王臣陛下有所欲何求 即位以舞人安叱奴為散騎常侍禮部尚書李綱

蘇世長武德四年王世充平後其行基僕射蘇世長以 大三日日に入る 草菜而先令舞人致位五品鳴王曳組遊馳郁廟固 定開太平之運起義功臣行賞未遍高才碩學猶滞 非創業規模貼厥子孫之道高祖竟不能從 禰衝擊鼓乃解朝衣露體而擊之問其故對曰不敢 王授安馬駒為開府有國家者俱為殷鑒今天下新 以先王法服而為伶人衣也惟齊高緯封曹妙達為 野妙等師襄皆終身繼代不改其業故魏武帝欲使 唐新語

金牙匹尼人 幾不滿十旬未為大樂高祖色變既而笑曰狂態發 漢南歸順高祖責其後服世長稽首曰自古帝王受 釋之後從雅於高陵是日大獲陳禽於旌門高祖題 念同雅之徒問争內之罪也高祖與之有舊遂笑而 謂羣臣曰今日畋樂乎世長對曰陛下畋獵薄廢萬 命為逐鹿之喻一人得之萬夫級手豈有獲鹿之後 披香殿酒酣奏曰此殿隋楊帝之所作耶何雕麗之 耶對日為臣私計則狂為陛下國計則忠矣當侍宴

これではいたの 忘儉約今於隋宮之內又如雕飾欲撥其亂寧可得 中高祖每優容之前後匡諫諷刺多所弘益 陛下宅守總嚴風霜當此時亦以為足今因隋之修 若是陛下所造誠非所宜臣昔在武功幸當陪侍見 人不堪命数歸有道而陛下得之實謂懲其奢淫不 是吾所造何須說疑是楊帝乎對曰臣實不知但見 傾宮庭達琉璃之瓦並非受命帝王即用之所為也 若是也高祖曰鄉好諫似直其心實訴豈不知此殿 喜沂語

金定匹尼人言言 張女素為給事中貞觀初修洛陽官以備迎幸上書極 陛下思之無為由余所笑則天下幸甚太宗曰卿謂 瘡痍之人襲亡隋之與以此言之恐甚於楊帝深願 陽畢功隋人解體且以陛下今時功力何異昔日役 我不如煬帝何如禁約玄素對曰若此殿卒與所謂 同歸于制且陛下初平東都太上皇勒高門大殿並 諫其略曰臣聞阿房成春人散章華就楚聚離及乾 宜焚毀陛下以瓦石可用不宜焚灼請賜與貧人事 卷二

Cr. Jaim Links 馬周太宗將幸九成官上疏諫曰伏見明物以二月二 俄經旬日非可朝行暮至也脫上皇情或思感欲見 宗曰善賜終三百匹魏徵數曰張公論事遂有回天 之力可謂仁人之言其利溥哉 視膳晨昏起居今所幸官去京三百餘里靈輿動軟 日幸九成官臣竊惟太上皇春秋已高陛下宜朝夕 興五六年間取舍頓異何以昭示萬姓光數四海太 不行天下稱為至德今若不遵舊制即是隋役復 喜所语 哟

皇甫德参上書曰陛下修洛陽官是勞人也收地租是 使國家不收一租不役一人官人無髮乃稱其意想 徵進曰賈誼當漢文之時上書云可為痛哭者三可 厚飲也俗尚高髻是宫中所化也太宗怒曰此人欲 上皇尚留熱處而陛下自逐凉處温清之道臣竊不 安文多不載太宗稱善 陛下者將何以赴之且車駕今行本意只為避暑則 為長歎者五自古上書率多激切若不激切則不能

徐充容太宗造王華宫於宜君縣諫曰妾聞為政之本 17 ... O not 11 110 1 貴在無為竊見土木之功不可無遂北閥初建南管 翠微自未逾時王華割制雖復因山籍水非無架築之 石之渡假使和雇取人豈無煩擾之弊是以早官非 功損之又損頗有功力之費終以茅次示約猶與木 賜帛二十疋命歸 馬惟在陛下裁察不可責之否則於後誰敢言者乃 服人主之心激切即似訕誇所謂狂夫之言聖人擇 唐新語

房玄龄與髙士旗偕行遇少府少監實德素問之曰北 食聖主之所安金屋瑶莹轎主之作麗故有道之君 名恵孝德之女堅之姑也文彩綺麗有若生知太宗 力不竭矣用而息之則人胥悅矣詞多不盡載充容 以逸逸人無道之君以樂樂身願陛下使之以時則 門近来有何管造德素以聞太宗太宗謂玄齡士康 崩哀慕而卒時人傷異之 日卿但知南衙事我北門小小營造何奶卿事女齡

いついし日上日、人・土日 經章中高宗將幸凉州時隴右虛耗議者以為非便高 宗聞之名五品已上謂曰帝五載一処行羣后四朝 深納之 無罪而陛下青之玄齡等不識所守臣實未喻太宗 之所為若非當奏罷之此乃事君之道玄齡等問既 其訪問官司臣所不解陛下所為若是當助陛下成 既任大臣即陛下股肱耳目有所營造何容不知責 等拜謝魏徵進曰臣不解陛下青亦不解玄齡等謝 唐新語 六

停且隴右諸州人户寡少供待車馬備擬稍難臣聞 有所疑既見明劫施行所以不敢陳賣奉勃顧問敢 此盖常禮朕欲暫幸凉州如聞中外咸謂非宜奉臣 中外實有竊議高宗曰既有此言我止度雕存問故 州宣王略求之故實未虧今典但隨時度事臣下竊 巴下莫有對者詳刑大夫来公敏進曰陛下迎幸京 老蒐狩即還遂下詔停西幸權公敏為黄門侍郎 不盡言伏以高麗雖平扶餘尚梗西道經略兵猶未

次三四車全書 季君球高宗将代高麗上疏諫曰心之痛者不能緩聲 袁利貞為太常博士高宗將會百官及命婦於宣政殿 言不加厚賜何以獎勸賜綠百疋遷祠部員外 使中書侍郎薛元超謂利貞曰卿門傅忠鯁能獻直 别所自可備極恩施高宗即令移於麟德殿至會日 地象關路門非倡優進御之所望請命婦會於别殿 九部樂從東西門入散樂」色伏望停省若於三殿 并設九部樂利貞諫口臣以前殿正寢非命婦宴會之 唐新語

中書令郝處俊高宗將下詔遜位于則天攝知國政名 威文多不載疏奏不報 藏山海得其人不足以彰聖化棄其地不足以損 府庫之彈懼社稷之危生中國之患且高麗小醜者 者凶器戰者危事故聖主重行之也畏人力之盡恐 事之急者不能安言性之忠者不能隱情且食君之 司馬法曰國雖大好戰必亡天下雖平忘戰必危兵 禄者死君之事今臣食陛下之禄其敢愛身乎臣聞 卷二 一大心日四日 人口一 典其言至忠惟聖慮無疑則繁生幸甚高宗乃止及 位于天后况天下者高祖太宗之天下非陛下之天 后惟陛下詳審中書侍郎李義琰進曰處俊所引經 下正合謹守宗廟傅之子派不可持國與人有私於 魏文帝著令崩後尚不許皇后臨朝奈何遂欲自禪 相奪也若失其序上則謫見於天下則禍成于人造 然則帝之與后猶日之與月陰之與陽各有所主不 辛臣議之處俊對曰禮經云天子理陽道后理陰德 喜新吾

金万口匠ノニリー 訴草部猶在高宗恐其怨懟待之如初且告之曰此 發點以順天心高宗即令儀草 站左右馳告則天遠 舉動必為掣肘高宗不勝其忿時有道士郭行真出 多智高宗將排羣議而立之及得志威福並作高宗 並上官儀教我則天遂誅儀及伏勝等并賜太子忠 大怒客召上官儀廢之因奏天后專恣海內失望請 天后受命處俊已發孫象竟被族誅始則天以權變 入宫掖為則天行厭勝之術內侍王伏勝奏之高宗

周興来俊臣羅織衣冠朝野問懼御史大夫李嗣真上 疏諫曰臣聞陳平事漢祖謀球楚之君臣乃用黃金 得殁為忠鬼孰與存為諂人如羅織之徒即是疎間 陛下君臣後除國家良善臣恐為社稷之禍伏乞陛 七十斤行及間之術項羽果疑臣下陳平之計遂行 下週思遷慮察臣狂瞽然後退就再鑊實無所恨臣 今告事紛紜虚多實少如當有凶惡馬知不先謀疎 死自是政歸武后天子拱手而已竟移龜男馬

一分定匹庫全書 宗楚客兄秦客潜勸則天革命界遷内史後以贓罪流 復本官 之漸陳平及間其遠乎哉遂為俊臣所構放于嶺表 俊臣死徵還途次桂陽而終贈濟川刺史中宗朝追 等納忠即厚船請發兵以討西突厥不納元振之奏 中書舍人時西突厥阿史那忠節不和安西都護郭 于嶺南而死楚客無他材能附會武三思神龍中為 元根奏請徙忠節於內地楚客與弟晉卿及紀處的 老二言 D. In and Jelin T 楚客等曰聞四壮項領良御不乗二心事君明罰無 突厥大怒舉兵入冠甚為邊患监察御史崔琬劫奏 納賄易貴公引項凶受貼無限配問充斥穢跡的彰 威福敢樹朋黨有無君之心關大臣之節潜通獫稅 刻意砥操憂國如家微劾消塵以裡川岳遂乃專作 遭遇聖主累忝殊祭承愷悌之恩居獨詣之地不能 拾謹按宗楚客紀處訥等性惟險設志越谿堅幸以 且境外交通情狀難測今沒葛及叛邊都不寧由此

金定匹尼生書 蘇安恒博學尤明周禮左氏長樂二年上疏諫請復子 鉗 贓私取怨外國論之者取禍以結舌語之者避罪而 和請除巨盡以答天造中宗不從逐今與或和解愈 乃徇贓私此而容之孰云其可臣謬忝公直義在觸 今又叨忝賴沐殊恩厚禄重權當朝莫比曾無悛改 明辟其詞曰臣聞忠臣不順時而取寵烈士不惜死 而韋氏敗楚客等成誅 口晉卿昔居榮職素關忠誠屢擅嚴刑皆由贖貨 巻二

次定四車全書 為張易之所構安恒又申理之易之大怒將殺之賴 家宗廟將何語命以謁太帝墳陵疏奏不納魏元忠 朱敬則桓彦範等保護獲免後坐節憫太子事下獄 能使天下移風易俗惟陛下思之將何聖顏以見唐 太子元良據太子之神器何以教天下母慈子孝馬 死膚宗即位下部曰蘇安恒文學立身鯁直誠操往 今太子年德俱盛陛下貪其寶位而忘母子之恩蔽 而偷生故君道不明忠臣之過臣道不軌烈士之罪 唐新語

武三思得幸於中宗京兆人韋月將等不堪情激上書 張東之既遷則天于上陽宫中宗猶以皇太子監國告 宜毀之復唐鴻業天下幸甚中宗深納之制命既行 初復正當微號稱唐順萬姓之心奈何告武氏廟廟 武氏之廟時累日陰翳侍御史崔渾奏曰方今國命 年陳疏忠謹可嘉屬田邪擅權奄從非命與言較悼 陰雲四除萬里澄廓成以為天人之應 用側于懷可贈諫議大夫

丸足日 早人 柳澤衛宗朝太平公主用事奏斜封官復舊職上疏諫 而 流月將于嶺南尋使人殺之 曰藥不毒不可以蠲疾詞不切不可以裨過是以習 中私於三思陛下竟不問而斬臣恐有竊議固請按 環日朕以爲已斬矣何以緩之命促斬璟曰人言宫 按而後刑中宗愈怒不及整衣履岸巾出側門迎謂 告其事中宗感之命斬月將黃門侍郎宋環執奏請 後刑中宗大怒環曰請先斬臣不然終不奉部乃 唐新語 ナニ

義之徒不可清雪陛下何不能忍於此而獨忍於彼 封之人不忍棄也先帝之意不可違若斜封之人不 使善惡不定及覆相攻致令君子道消小人道長為 忍棄是韋月將無欽融之流不可褒贈李多称鄭克 正者 街完附偽者得志將何以止奸邪將何以憋風 位之初納姚宋之計咸點斜封近日又命斜封為斜 甘旨者非攝養之方通飲佞者積危殆之本陛下即 耶府宗遂從之因而權澤拜監察御史

倪若水爲汴州刺史玄宗當遣中官往淮南採捕鸡龍 責也陛下昔龍潜藩邸備歷艱危今気視廓清高居 九五玉帛子女充於後庭職貢珍奇盈於內府過此 據未蠶婦持桑而以此時採捕奇禽異鳥供園池之 既遠自江嶺達于京師力倦擔負食之以魚內間之 以鳳凰為九鳥麒麟為九獸則鸡龍鷄鶇之類曷足 及諸水禽上疏諫曰方今九属時忙三農並作田夫 稻梁道路觀者莫不言陛下贱人而貴爲陛下當

次定四軍全書

唐新語

ナニ

安禄山天寶末請以蕃將三十人代漢将玄宗宣付中 書令即日進呈章見素謂楊國忠曰安禄山有不臣 念忠讓深用喜慰今賜卿物四十段用答至言 權果能閉邪存誠守節彌固骨鲠忠烈遇事無隱言 那達識周村義方敬直故報網轄之重以處方面之 之心暴於天下今又以蕃將代漢其反明矣遠請對 不識朕意將鳥稍多鄉具奏之詞誠忠懇深稱朕意 之外又何求哉手詔答曰朕先使人取少雜爲其使 欠足可事 白豆人 因 宰臣曰必無二心記本朕已焚矣後璆琳納略事 事追之玄宗許馬草記記中留之遣中使輔琴琳送 每對見每言其事曰臣有一策可銷其難請以平章 甘子且觀其變璆琳受駱而還因言無反狀玄宗謂 宣部曰此之一奏姑容之朕徐爲圖矣見素自此後 祭龍堂託事撲殺之十四年遣中使馬承威賣璽 唐新語 中四

玄宗曰鄉有疑禄山之意耶見素趨下殿涕四且陳

禄山反狀的令復位因以禄山表留上前而出俄又

策寧在人謀痛哉 書名禄山曰朕與卿修得一湯故名卿至十月朕待 忠為名湯覆二京竊弄神器迄今五十餘年而兵未 别館數日然後免難至十月九日反於范陽以誅 力武夫幼腹心之誠則猪哭稀勇亦何能至失於中 戰易 項霜堅水至所由者新向使師尹 臣進宣肯路林不起但云聖上安稳否遠令送臣於 卿 于華清宫承威復命泣曰臣幾不得生還禄山見 τ 竭 股 肱之 國

次三四車全書 | 章仁約彈右僕射褚遂良出為同州刺史遂良復職點 頗知事由仁禄懦而不能自理若仁會敗惑聖聽致 **禕惶懼應對失次仁約歷陷而進曰臣與仁禕連曹** 侍御史張仁韓不協而誣奏之高宗臨軒問仁韓仁 膽然不能碌碌為保妻子也時武候將軍田仁會與 假以雄權而觸物便發丈夫當正色之地必明目張 仁約為清水令或慰勉之仁約對曰僕守狂鄙之性 国) 正第四 唐新語 支

李義府恃恩放縱婦人淳于氏有容色坐繁大理乃託 官固當獨立耳後為左丞奏曰陛下為官擇人非其 約在憲司於王公卿相未當行拜禮人或勸之答曰 微臣盡命之秋矣振舉綱目朝廷肅然 鵬鴞鷹鸇豈衆禽之偶奈何設拜以狎之且耳目之 其狀詞辨縱横音旨的暢高宗深納之乃釋仁韓仁 仁韓非常之罪則臣事陛下不盡臣之恨矣請專對 則關今不惜美錦令臣製之此陛下知臣之深亦

大元司馬に これの 一個 蟀吟於始秋物有微而應時士有賤而言忠者乃廷 母殺身以成子之義汝若事君盡忠立名千載吾死 難以危身不孝進退惶惑不知所從母曰吾聞王陵 告其母曰奸臣當路懷禄而曠官不忠老母在堂犯 大理丞畢正義曲斷出之或有告之者的劉仁朝鞠 三叱乃出然後跪宣彈文曰臣聞春點鳴於獻歲懿 不恨馬義方乃備法冠横王階彈之先叱義府令下 之義府懼謀洩斃正義於獄侍御史王義方將彈之 店价語 ナガ

金ケロピノニー 容之美原有罪之淳于恐漏洩其謀殖無辜之正義 挟山起海之力望此猶輕理天轉地之成方斯更多 陷通職不盡忠竭節對楊王休策蹇勵為祗奉皇眷 乗權終齒漢皇之劍中書侍郎李義府因緣際會遂 而乃馬附城社蔽虧日月請託公行交遊群小貪治 明時之所必罰是以隱賊掩義不容唐帝之朝竊幸 劾義府日臣聞附下罔上聖主之所宜誅心很貌恭! 此而可 恕孰不可容方當金風届節王露故途霜

李昭德則天朝有談传者必見握用有人於洛水獲白 復仕進總章二年卒撰筆海十卷門人何彦先員半 千制師服三年丧畢而去 簡與秋與共清忠臣將應點並擊請除君側少答鴻 心所以進胎德叱之曰洛水中石豈盡及耶左右皆 私碎首王階庶明臣節高宗以義方毀辱大臣言詞 石有數點亦指閱請進諸宰臣話之其人曰此石亦 不遜貶菜州司户秋滿于昌樂聚徒教授母七遂不

大三百年六十二

唐新語

支

アンケモル と言 魏元忠以推辱二張及為所構云結少年為耐久朋則 與易之說等定是非說佯氣逼不應元忠懼謂說曰 哀昭德而快俊臣也 天大怒下獄勘之易之引張說為證召大臣令元忠 為皇甫文所構與来俊臣同日棄市國人權憾相半 失笑的德建立東都羅城及尚書省洛水中橋人不 張說與張易之羅織魏元忠耶說叱曰魏元忠為丞 知其役而功成就除數凶人大微遂罷以正直廷諍

欠三日事在時一 畏懼臣曰公當伊周之任何愧三品然伊周歷代 說言元忠不軌狀說曰臣不聞也易之還曰張說與 級臣以即官拜賀元忠曰無尺寸功而居重任不勝 周之地臣以伊尹放太甲周公攝成王之位此其狀 元忠同逆則天問其故易之曰說往時謂元忠居伊 相而有委卷小兜羅織之言豈大臣所為則天又令 臣乃知伊尹周公為臣之本末元忠初加拜命授監 也說奏曰易之昌宗大無知所言伊周徒剛其語耳 唐新語

金なら 張易之目宗方貴龍用事潜相者言其當王險薄者多 裴安立等謀及宋璟時為中丞奏請窮理其狀則天 焚香為誓元忠免死流放嶺南 附會之長安末右衛西街有勝云易之兄弟長孫汉 為忠臣陛下不遣臣學伊周使臣將何所學說又曰 曰易之已有奏闻不可加罪璟曰易之為飛書所逼 易之以臣宗室故託為黨然附易之有台輔之望附 元忠有族滅之勢臣不敢面欺亦懼元忠宛魂耳遂

张定四車全書 一题 辭謝拒而不見令使者謂之曰公事當公言之私見 易之就莹推問斯須特勒原之仍遣易之昌宗就張 事關社稷望陛下可其所奏則天意若解乃傳命令 宰臣檀宣主命左拾遺李邕歷門而進曰宋璟所奏 思遠宣動命令璟出璟曰天顏咫尺親奉德音不煩 明國法易之等久蒙驅使分外承恩臣言發禍從即 窮而自陳且謀及大逆法無容免請勒就臺勘當以 入門鑊然義激于心雖死不恨則天不悅內史楊再 唐新語

宋璟則天朝以賴論得失內不能容而憚其公直乃動 亂 環往揚州推按奏曰臣以不才叨居憲府按州縣 若以親故當為張五郎六郎矣足下非張氏家僮號 五郎六郎何也果大慙而退 五郎為卿璟曰鄭杲何庸之甚若以官秩正當卿號 環獨以官呼之天官侍郎鄭果謂環曰中丞奈何與 即法有私也璟謂左右恨不先打豎子腦破而令混 國經吾負此恨時朝列呼易之昌宗為五郎六郎 卷二

喜召璟曰叨奉渥恩與公同謝璟曰恩制示禮數不 意當有危臣請不奉制月餘優部令副李嶠使蜀嶠 居獨坐今隴蜀無變不測聖意臣副嶠何也恐垂朝 品有侍御史里品有監察御史今勒臣恐非陛下之 还非軍國大事不當出使且仲判所犯贓污耳今高 無何復今按幽州都督屈突仲翔環復奏曰御史中 以禮遣璟璟不當行謹不謝乃上言曰臣以憲司位 監察御史事耳今非意差臣不識其所由請不奉制

人に)日間したいかの

吾所五

主

薛懷義承寵遇則天俾之改姓云是射馬薛紹再從叔 金だせをとうで 請則天口卿去矣朕即遣来矩至臺薛師亦去點 車舍于他所乃免易之尋伏誅 下馬但坦腹於床將按之薛師雖馬而去遽以聞則 不軌殿中侍御史周矩奏請按之則天曰不可矩 僧俗皆號為薛師猖狂恃勢多度膂力者為僧潜圖 既不果何璟家有婚禮將刺殺之有家以告者璟乗 廷故事請不奉制易之等張張出使當别以事誅之 卷二 腔 固

The Death Date of 則天朝契丹冠河北武懿宗將兵討之畏懦不進北賊 註 誤之人以自解豈為臣之道請斬懿宗以謝河北 数萬聞賊極退走失城邑罪當誅戮今乃移禍草澤 懼的從之以求生豈其素有背叛之心耶懿宗擁兵 禮廷折之曰素無良吏教習城池又不完固遇賊畏 其事諸僧悉流遠惡州矩後竟為薛師所構下獄死 退散後乃奏鴻贏等州註誤者数百家左拾遺王水 天則天曰此道人患風不須苦問所度僧任御窮按 吾新語

金云四位生言 中宗朝鄭普思承恩龍而潜圖不軌蘇環奏請按之以 庶人特勃於御前對中宗優抑壞而理普思應對煩 陛下為其申理此則反者不死臣請死終不能事普 後聞今使其眩惑天聽搖動刑柄而普思及狀的露 對日蘇環國之大臣荷祭貴人矣不能先斬逆賊而 司直范獻忠為判官環奏收普思普思妻得幸於章 不申獻忠歷陷而進曰臣請先斬蘇環中宗問其故 百姓懿宗惶懼諸註誤者悉免 E

「たい口ったん」は 中宗及正總月餘而武三思居中用事皇后韋氏順干 違天不祥違人不義書稱北雞之晨唯家之索易曰 辟詳求往代帝王有與婦人謀及政事者無不破國 朝政如則天故事桓彦範奏曰伏見陛下每臨朝聽 亡家傾轉繼路以陰干陽違天也以婦凌夫違人也 政皇后必施惟慢坐於殿上參聞政事愚臣歷選列 無攸遂在中饋言婦人不得干政也伏願陛下覽古 思獄乃定朝廷咸北之 唐新語 Ŧ

金をせたる 桓彦範等既匡復帝室熟烈冠古武三思害其公忠將 會三思異朝隱判竟坐詩譚遷刑部尚書侍御史李 納又有花僧惠範山人鄭普思葉静能等挟左道出 祥彈之曰異李朝隱一判破桓敬等五家附會三思 誣以不軌誅之大理丞李朝隱請問明狀卿表譚附 在中宫幸修陰教則坤儀式叙躬命惟新矣疏奏不 人之言以善生為念不宜令皇后往正殿干外朝專 入宫禁秀範等切諫並不能從後秀範等及及禍

宗楚客與弟晉卿及紀處訥等恃權勢朝野岳牧除拜 大正日子白古 史曰公試論録事狀遂援筆曰怯斷大案好勾小稽 當衝要之地為其妄褒貶耳使祥秉筆頗亦有詞刺 隱自不清疑他總濁階前兩競勵因方体獄裏囚徒 略無廻避朝廷壯之祥解褐藍亭尉因校考為録事 非赦不出天下以為譚笑之最矣 參軍所擠排祥超入謂刺史曰録事侍糾曹之權祥 狀驗斯在天下間者莫不寒心刑部尚書從此而得 声新語 Ī

今になせたという 存禮度朕識卿姓名知卿便直但守至公勿有迴避 豪便有彈射者言稱職深領乃誠然姓容等大臣須 進客狀乃降如曰卿列霜簡忠在觸邪遂能不懼權 之乃具法冠陳其罪狀請收按問中宗不許明日又 多出其門百寮惕懼莫敢言者監察御史崔琬不平 刑部即中玩兄珍以孝友稱歷刑部員外揚州司馬 自 丁母憂晝夜哀號水漿不入於口不勝丧而卒 此朝廷相謂曰仁者必有勇其崔公之謂數累遷 卷二

陸大同為雍州司田時安樂公主章温等侵百姓田業 奏大同為河東令尋復為雅州司倉長吏新興王晉 雍州判佐不是公官公何為不别求好官大同曰無 附會太平公主故多阿黨大同終不從因謂大同曰 在田人皆入室此時勸課切恐煩勞長吏益不悦乃 司搖動其按也大同判云南郊有事北陸已寒丁不 時已十月長吏乃舉牒令大同巡縣勘田畴其他判 大同盡斷還之長吏懼勢謀出大同會將有事南郊 豆折吾

金片四年全書 李令質為萬年令有富商行盗繫而按之財馬韋權策 伯祖也 盗非親非故故當以貨求耳臣豈不懼權之勢但守 官晉不能屈大同閨門邕睦四從同居法言即大同 陛下法死無所恨中宗怒解乃釋之朝列賀之曰該 臨軒召見舉朝為之恐懼令質奏曰臣必以幸權與 馬入縣救盗者令質不從權乃諧之於中宗中宗怒 他材但守公直素無廊廟之望唯以雅州判佐為好

ANALYS A SIRVER CO. CO. CO. CO. CO.) . I . . ,占所语 Ĕ

欽定四庫

侍讀臣孫球覆勘 侍講學士臣平 恕

校 總 對 校 謄 官 官 礟 監 且力 縞 生 教 修 臣 臣 臣 石王鴻燕 缪

琨 翥

緒

祖雍所按解理竟不屈或報祖雍云適有南使至云 慶武德中為蘇非禄太宗深置重之引與議建成 , . . . j 稱靈秀與敬等有謀至是為侍御史冉 唐新語 請歸養太宗不之逼負觀中以 初為監察御史時武三思誣 劉肅

多方に店人言 彦範有舊耳公若盡殺諸弟不知矣如獨殺襲秀恐 明公不得高枕而卧祖雅色動握其手曰請無慮當 舊聞其死豈不傷耶祖雍曰足下下獄聞諸弟俱縱 酒而無憂色何也襲秀日襲秀何負於國家但於桓 雍流涕何也襲秀曰桓彦範自負刑憲然與襲秀有 刑憲令已死矣祖雍按足下事意未測聞其死乃對 桓敬己死襲秀聞之泫然流涕祖雅曰桓彦範負國 公乃善為之解得不坐

卷三

李宏既降徐動尚守黎陽倉謂長史郭恪曰魏公既歸 陸德明受學於周弘正善言玄理王世充借號署為散 東壁下世充子入跪床下德明伴給之痢竟不與語 騎侍郎王子師之將行束脩之禮德明服巴豆散卧 非遠通儒在兹終於國子博士 逐移病成皋及入太宗朝引為文學館學士使閻立 本寫真形緒亮為之讚曰經術為貴玄風可師屬學 于唐我士泉土地皆魏公之有也吾若上表獻之即

欽定匹庫全書 貞觀中太宗謂褚遂良曰卿知起居注記何事大抵 黎州總管賜姓李氏 是自邀富貴吾所恥也今宜且録以放魏公聽公自 具以聞高祖大悅曰徐勣盛德推功真忠臣也即授 獻則魏公之功也及使至高祖聞其表甚怪之使者 聞帝王躬自觀史太宗曰朕有不善卿必記之耶遂 君得觀之否遂良對日今之起居古之左右史書人 君言事且記善惡以為檢戒庶乎人主不為非法

· Ja Ja ... Jets 太宗謂侍臣曰朕偶作艷詩虞世南便諫曰聖作雖工 之官體晚年改作追之不及乃令徐陵撰玉量集以 梁簡文帝為太子好作艷詩境內化之浸以成俗 謂 體制非雅上之所好下必隨之此文一行恐致風靡 羣臣皆若世南天下何憂不理乃賜絹五十足先是 良曰守道不如守官臣職當載筆君舉以記劉泊進 而令而後請不奉記太宗曰御懇誠若此朕用嘉之 日設令遂良不記天下之人皆記之矣 唐新語

銀定四庫全書 實静為可農御趙元楷為少卿静頗方直甚不悅元楷 文德皇后崩未除喪許敬宗以言笑獲譴及太宗梓宫 海以奉一人者司農須公矣方今聖上躬履節儉屈 太宗既平突厥徒其部衆於河南静上疏極諫以為 之為官屬大會謂元楷曰如隋煬帝意在奢侈竭四 不便又請於太原置屯田以省饋飾皆有弘益 大其體永與之諫頗因故事 人以安兆庶司農何用於公哉元档報然而退初

劉仁軌為左僕射暮年煩以言詞取悅訴者产部員外 則天朝豆盧欽望為丞相請報京官九品己上兩 樂不入人心秋蟬之聲徒話人耳仁軌怒馬詈之曰 敬宗懼獲罪高宗寢其奏事雖不行時人重其剛 正 癡漢克己俄遷吏部侍郎 魏克已斷案多為仁軟所異同克己執之曰異方之 先后喪已坐言笑點削令對大行梓宫又垂臂無一禮 在前殿又垂臂過侍御史問玄正彈之曰敬宗往 唐新哲 ы 月 居 日

銀完匹庫全書 耳 欽望 欺奪之臣竊不敢納言姚毒前進曰秦漢皆有 富有四海足以偕軍國之用何籍貧官九品之俸 知事由拾遺王求禮謂欽望日羣官見帖即赴竟不 可也早官貧迫奈何不使其知而欺奪之豈國之柄 知拜何所由既以報俸供軍而明公禄厚俸優報 稅算 飲望形色而拒之表既奏求禮歷階而進曰陛下 以瞻軍轉帖百官司令拜表羣臣但赴拜表而不 以膽軍求禮不識大體妄有爭議求禮曰秦皇 2 而

魏元忠男昇娶榮陽鄭遠女昇與節愍太子謀誅武三 易官先朝以元忠舊臣操履堅正豈獨尚故賢行實 思廢章庶人不克為亂兵所害元忠坐擊欲遠以此 漢武稅天下使空虚以事邊奈何使聖朝做習之姚 欲祭其姻戚遂起復授遠河內縣令遠子良解褐洛 轉言臣不識大體不知時言是大體耶遂寝 史麻察不平之草狀彈遠曰鄭遠納錢五百萬將女 乃就元忠求雜書今日得雜書明日改醮殿中侍御 1 唐新語

言齊鄭非偶不合結補既冰玉交歡理資同穴而下 離今日得書明日改醮且元忠官歷三朝祭癖十等 州參軍既連婚國相父子崇赫追元忠下微遂誘私 雖金精屢鑠而玉色常温遠胄雖參華身實凡品若 思問治刑罰免加而名教所先理資懲華請裁以憲 清鑒九流選叙須有淄酒四裔遐陬宜從擴斥雖屋 命斯所謂滓穢流品點辱衣寇而乃延首靦顏重塵 山之失未遠御輸之聲已周無聞寄死託孤見危授

多定匹庫全書

13

卷三

來俊臣棄故妻奏娶太原王慶說女侯思正亦奏娶趙 長安末諸酷吏並誅死則天悔於枉濫謂侍臣曰近者 郡李自挹女勒政事商量內史李的德撫掌謂諸宰 劫王慶說女已大辱國今日此奴又請索李自挹女 朝臣多被周與來俊臣推勘遞相牽引咸自承伏國 乃復辱國耶遂寢思正竟為路德所繩榜殺之 日大可笑大可笑諸宰問故昭德日往年來俊臣賊 禁錮終身遠從此廢棄朝野咸賞察之公直

一致定四庫全書 八 織甚於漢之黨錮陛下令近臣就衙問者近臣亦不 問得報皆自承引朕不以為疑即可其奏自問興後 家有法朕豈能違中問疑有濫者更使近臣就欲推 豎朝廷晏安今日已後微驅及一門百口保見在 者皆枉酷自誣而死告事者特以為功天下號為羅 臣死更不聞有反逆者然已前就戮者豈不有冤遇 自保何敢輕有動搖賴上天降靈聖情發寤誅滅玄 即夏官侍郎姚崇對日自垂拱己後被告身死破家 卷三言

景龍中中宗嘗遊與慶池侍宴者遞起歌舞并唱迴波 安樂公主恃寵奏請昆明池以為湯沐中宗曰自前代 詞方便以求官爵給事中李景伯亦起舞歌日迎波 外官更無反逆者則天大悅曰己前宰相皆順成其 非儀於是宴罷 詞持酒危微臣職在箴規侍宴既過三爵諠譁竊恐 干兩 事陷朕為淫刑之主聞鄉所說甚合朕心乃賜銀 唐所語

多定匹庫全章 景龍末朝綱失殺風教既替公卿大臣初拜命者例許 亦不敢言非鄉忠正何能如此俄拜侍中 宗晉卿謂環曰拜僕射竟不燒尾豈不惠乎中宗黙 獻食號為燒尾時蘇環拜僕射獨不獻食後因侍熊 迎無使時傳作者勞後 春宗登位謂日知日朕當時 已下咸賦詩黃門侍郎李日知詩曰但願暫思居者 池名曰定昆池池成中宗韋庶人皆往宴馬令公卿 已來不以與人不可安樂於是大役人夫掘其側為

くこうる シャラ 中宗暴崩秘不發喪韋庶人親總庶政名宰相韋巨源 等一十一人入禁中會議遺詔令章庶人輔少主知 政事授相王太尉參謀輔政宗楚客謂幸温日今皇 貴百姓不足臣見宿衛兵至有三日不得食者臣愚 然壞奏曰臣聞宰相主調陰陽代天理物令粒食踴 不稱職所以不敢燒尾晉鄉無以對 地難為儀注是治理全不可蘇環獨正色拒之 太后臨朝宜停相王輔政且太后與諸王居嫂叔之 唐新語

蘇琅開元七年五月已丑朔日有蝕之玄宗素服俟變 玄宗命宋璟製諸王及公主邑號續遣中使宣部令更 宜有殊令奉此旨恐母龍子異非正家國之大訓王 撤樂減膳省囚徒多所原放水旱州皆定脈恤不急 作一住號璟奏日七子均養鸡鳩之德至錫名號不 削相王輔政語乃宣行之 容等曰遺記是先帝意安可更改楚容温等大怒遂 化之所宜不敢奉詔玄宗從之

金少旦匠人三電

こうで 之務 寬此古人所以慎赦也思言事者直以月蝕脩刑 謂脩刑也若陛下常以此留念縱日月盈虧将因 長小人道消女調不行讒夫漸遠此所謂偷德图 蝕脩德或云分野應災祥真合上旨臣以為君子道 而致福又何惠乎且君子即言浮於行故曰予欲無 不擾甲兵不贖理官不以深奇軍将不以輕進此 人隱今徒己下刑盡責保放唯流死等色則情不可 111 切停罷壞與宋璟諫曰陛下頻降德音勤恤 唐新語 此 所 圄 H

定安公主初降王同皎後降幸權又降崔詵詵先卒及 乎再願琴瑟兩口則生存之時已與前夫義絕殂 言又曰天何言哉四時行馬百物生馬要以至誠動 之日合從後夫禮葵令若依縣所請却科舊姻但恐 之給事中夏侯銛駁曰公主初昔降婚梧桐半死逮 公主薨同皎子縣為駙馬奏請與其父合葵勅旨許 天不在制書頻下玄宗深納之 而有知王同皎不納於幽壞死而可作崔詵必訴 卷三 謝

金定四年全意

玄宗將封禪泰山張說自定升山之官多引兩省主録 起矣令登封沛澤干載一遇清流高品不沐殊恩胥 吏未班先加章級但恐制出之後四方失望今進草 請傍移禮官以求指定朝廷咸肚之 之際事猶可改說日事已決矣悠悠之該何足慮也 下之公器德皇為先勞舊為次若顛倒衣裳則幾議 及己之親戚中書舍人張九齡言於說曰官爵者天 於玄天國有典章事難逾越銛謬膺駁正敢廢司存 唐新语 †

弘 定四库全書 李輔國扈從肅宗極止惟握宣傳部命自靈武即判行 求為宰相若公外表來不得不與御與裴晃為之 相肅宗謂之日御勲業則可以卿大臣不欲如之何 决事凡亞捕先行後開權傾朝野道路側目又求宰 軍司馬中外櫃要一以委之及克京城後於銀臺門 果為宇文融所劾 所華出問見晃曰初無此事臂可截也而表不為也 又諷裘晃等速表薦己肅宗患之乃謂蕭華曰輔國 送三

李襲譽江淮俗尚商買不事農業及襲譽為揚州引雷 俸禄散給宗親餘貲寫書數萬卷每謂子孫曰吾不 職莊肅素好讀書手不釋卷居家以儉約自處所得 改水又築句城塘以灌溉田八百餘項襲譽性嚴整在 好質財以至貧乏京城有賜田一十項耕之可以充 復命奏之上大悅 食河南有桑千樹事之可以充衣所寫得書可以求 清蔗第六 唐新語

多定匹库全書 | 鄭善果父誠周為大將軍討尉逐迴遇害善果性至孝 篇慎大業中為魯郡太守母崔氏甚賢明晓正道當 於閣中聽善果決斷開剖析合理悅若處事不名則 汝自童子承襲子上今至方伯汝豈自能致之即安 乃愧汝家耳汝先君清恪以身殉國吾亦望汝及此 不與之言善果伏床前終日不敢食母日吾非怒汝 官吾及之後爾曹勒此三事可以無求於人矣時論 尤善之

馮立有武藝略涉書記事隱太子太子誅左右悉逃散 殺將軍敬君弘謂其徒曰微以報太子矣遂解兵而 立數日豈有生受其恩而逃其難乃率兵犯玄武門 負清忠之業吾死之日亦何面目見汝先君乎善果 忠言多所匡諫選工部尚書正身奉法甚者勞績 由是勵已清魚所益咸有政績場帝以其儉素考為 天下第一賞物千段黄金百兩入朝拜左庶子數進 可不思此事吾寡婦也有慈無威使汝不知教訓以

次之日軍全

唐新語

宗有之立謂其所親日逢莫大之恩終當以死奉答 數為叛逆立不管生業衣食取給而己當至貧泉歎 深嘉戴之出牧南海前後牧守率多貪冒蠻夷患之 俄而突厥至便橋立率數百人力戰殺獲甚衆太宗 來戰殺我將士汝罪大也何以逃死對曰屈身事主 日此吳隱之所酌泉也飲一杯何足道哉吾當汉而 期於效命當戰之日無所顧憚因嚴敵悲不自勝太 通俄來請罪太宗數之曰汝間構阻我骨肉復出兵

裴炎有雅望於朝廷高宗臨崩與舅王德真俱受遺記 尺2.1日 mi / Litala | | 耳範賢曰若裝炎反臣等亦反則天曰朕知裴炎反 知即不反炎既詠範賢亦被廢點炎將刑顧謂兄弟 事徐敬業舉兵於揚州時炎為內史示別暇不急討 輔少主則天既臨朝廢中宗為廬陵王将行革命之 廷争以炎忠鯁無反狀則天口炎反有端顧即不知 則天潜察之站下炎獄鳳閣侍郎胡元範劉齊賢等 為食畢飲而去 唐新語

李日知為侍中頻乞骸骨詔許之初日知將欲陳請不 楊崎為然酒謂人曰吾雖三品非不祭貴意常不逾時 事封王耶 昔一尉也時議重之婚祖父休之事北齊執政將封 與妻謀及還筋裝將出居別業妻驚曰家室屢空子 為王以寵之休之固辭退而謂人曰我非奴非獠何 **炎雖官達而甚清貧收其家略無積聚時人傷馬** 日可憐官職並自得之炎無分毫過今坐炎流震矣

李懷遠久居紫位而好尚清簡完舍屋宇無所增改當 馮復 謙七歲 讀書數萬言九歲能屬文自管城尉丁鄭 補河北尉有部人張懷道任河陽尉與熊有舊鉤 镜馬熊集縣吏遍示之咸曰維楊之美者甚嘉也謙 東之答日此馬幸免驚蹶無假別求聞者軟服 乗敖段豆盧欽望謂之曰公禁貴若此何不買駁者 弟名宦未立何為辭職也日知曰書生至此已過分 人情無厭若恣其心是無止足也 17.50 唐新語 力

盧懷慎其先范陽人祖父怒為靈昌令因家馬懷慎少 蓄妻子不免匱乏及薨贈荆州大都督該曰文成玄 清儉產約不管家業界居右職及東釣衛器用服飾 於使者乃歸之聞者莫不歎尚官至傷部郎中 言曰清水見底明鏡照心余之刻官必同於此復書 謂縣吏日此張公之所致也吾與之有舊雖親故不 無金王文繡之麗所待俸禄皆隨時分散而家無餘 坐著之章程吾効官但得俸禄自守豈私受遺哉昌

及己日高上在十百一一 方管大祥齊惧其貧乏即賜翁五百疋制蘇題為之 宗幸東都下記曰故檢校黃門監盧懷慎衣是重器 碑仍御書馬子髮歷任以清白開為陝郡太守開元 百段米栗二百石明年車駕還京師望見懷慎別業 彌深軫悼宜恤凌統之孤用旌晏嬰之德宜賜物 白瑩然為金非實然妻好貧宴儋石屢空言念平昔 津之輔漢同季文之相魯節隣於古儉實可師雖清 廊廟偉材訏誤當三傑之一學行總四科之二等平 唐新語 支

